

21 մարտի 2011 թվականի N 202 - Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏԻ 2010 ԹՎԱԿԱՆԻ
ՆՈՅՏՄԲԵՐԻ 3-Ի N 925-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ
ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հիմք ընդունելով «Իրավական ակտերի մասին» Հայաստանի Հանրապետության օրենքի 70-րդ հոդվածի 5-րդ մասը՝

Հայաստանի Հանրապետության վարչապետի 2010 թվականի նոյեմբերի 3-ի «Հայաստանի Հանրապետության գյուղատնտեսության նախարարության բիզնես գործընթացների կանոնակարգման միջոցառումների ծրագիրը հաստատելու մասին» N 925-Ա որոշման մեջ կատարել հետևյալ փոփոխությունները և լրացումները՝

- 1) ուժը կորցրած ճանաչել որոշման հավելվածի 9-րդ, 10-րդ, 13-րդ և 24-րդ կետերը.
- 2) որոշման հավելվածի 14-17-րդ կետերը շարադրել հետևյալ խմբագրությամբ.

| Միջոցառման անվանումը | Ակնկալվող արդյունքը | Կատարման պատասխանատուները | Կատարման ժամկետը |
|--|---|-------------------------------------|------------------------------------|
| 14. «ՀՀ կառավարության 2006 թ. դեկտեմբերի 14-ի «Բույսերի պաշտպանության քիմիական և կենսաբանական միջոցների արտադրության և (կամ) վաճառքի լիցենզավորման կարգը և լիցենզիայի ձևը հաստատելու մասին» N 1902-Ն | Լիցենզավորման կարգում՝ 1) հստակեցնել սահմանված պարտա-դիր պահանջներն ու պայմանները, ինչպես նաև սահմանել նոր պահանջներ և պայմաններ՝ ինչպես արտադրության, այնպես էլ վաճառքի գործունեության համար. 2) լիցենզիա ստանալու համար | ՀՀ գյուղատնտեսության նախարարություն | 2011 թվականի ապրիլի 3-րդ տասնօրյակ |

| | | | |
|--|--|--|---|
| <p>որոշման մեջ փոփոխություններ և լրացումներ կատարելու մասին» ՀՀ կառավարության որոշման նախագիծը ՀՀ կառավարություն և ներկայացնելը</p> | <p>ներկայացվող անհրաժեշտ փաստաթղթերի ցանկը լրացնել՝ սահմանված պարտադիր պահանջներն ու պայմանները հաստատող փաստաթղթերով</p> <p>3) հստակեցնել (կետերով շարադրել) հայտի մերժման հիմքերը</p> <p>4) սահմանել, որ լիցենզիան ստորագրվում և կնքվում է լիցենզավորող մարմնի համապատասխան ստորաբաժանման ղեկավարի կողմից</p> <p>5) փոփոխել հայտի օրինակելի ձևը՝ սահմանելով, որ հայտը ներկայացվում է լիցենզավորող մարմին:</p> | | |
| <p>15. «ՀՀ գյուղատնտեսության նախարարի 2008 թ. սեպտեմբերի 1-ի թիվ 157-Ս հրամանում փոփոխություններ կատարելու մասին» ՀՀ գյուղատնտեսության նախարարի հրամանի մշակում և հաստատում</p> | <p>Հանձնաժողովի կազմը հաստատող նախարարի հրամանում կատարել փոփոխություն և հանձնաժողովը վերանվանել՝ «Գյուղատնտեսության ոլորտում լիցենզավորող հանձնաժողով»:</p> | <p>ՀՀ գյուղատնտեսության նախարարություն</p> | <p>2011 թվականի ապրիլի 3-րդ տասնօրյակ</p> |
| <p>16. «Գյուղատնտեսության ոլորտում լիցենզավորող հանձնաժողովի կանոնադրությունը հաստատելու և Հայաստանի Հանրապետության գյուղատնտեսության նախարարի 2010 թվականի մայիսի 24-ի N 92-Ս հրամանն ուժը կորցրած ճանաչելու մասին» ՀՀ գյուղատնտեսության նախարարի հրամանի մշակում և հաստատում</p> | <p>Հաստատել գյուղատնտեսության ոլորտում լիցենզավորող հանձնաժողովի կանոնադրությունը, այդ թվում՝</p> <p>1) սահմանել հանձնաժողովի եզրակացության ձևաչափը, մասնավորապես՝ դրանում ներառվող տեղեկատվությունը</p> <p>2) հանձնաժողովի քարտուղարի գործառնությունում ավելացնել հետևյալը՝</p> <ul style="list-style-type: none"> • տեղեկացնում է հանձնաժողովի անդամների հանձնաժողովի նիստի վայրի, ամսաթվի և ժամի մասին նիստի կայացման օրվանից ոչ ուշ, քան երեք օր առաջ, • պատշաճ ձևով տեղեկացնում է հրավիրված անձին հարցերի քննարկման մասին քննարկումից ոչ ուշ, քան յոթ օր առաջ՝ տեղեկացնելով քննարկման վայրի (հասցեի), ամսաթվի ու ժամի մասին, • նիստի ընթացքում յուրաքանչյուր հարցի վերաբերյալ հանձնաժողովի կողմից որոշում կայացնելուց հետո պատրաստում է եզրակացություն, ապահովում է հանձնաժողովի՝ նիստին ներկա բոլոր անդամների կողմից դրա ստորագրումը, հանձնում կամ պատշաճ ձևով այն ուղարկում է հրավիրված անձին, • ապահովում է հանձնաժողովի հերթական նիստի վայրի, ժամանակի և քննարկվող հարցերի մասին տեղեկատվության հրապարակումը մամուլում և ինտերնետային կայքում նիստի օրվանից ոչ ուշ, քան հինգ օր առաջ: | <p>ՀՀ գյուղատնտեսության նախարարություն</p> | <p>2011 թվականի ապրիլի 3-րդ տասնօրյակ</p> |

| | | | |
|---|--|--|---|
| <p>17. «Լիցենզավորման ընթացակարգը հաստատելու մասին» ՀՀ գյուղատնտեսության նախարարի հրամանի մշակում և հաստատում</p> | <p>Մշակել և հաստատել լիցենզավորման ընթացակարգ՝ սահմանելով գործընթացի հաջորդական քայլերի պատասխանատուներին և ժամկետները, այդ թվում՝</p> <ol style="list-style-type: none"> 1) սահմանել, որ լիցենզիան ստորագրվում և կնքվում է Լիցենզավորման գործակալության պետի կողմից 2) սահմանել, որ նախարարության ինտերնետային էջը պետք է համալրվի նոր «Լիցենզավորում» բաժնով, որում պետք է տեղադրվեն դրա հետ կապված բոլոր անհրաժեշտ նյութերը, այդ թվում՝ կարգավորող իրավական ակտերը, լիցենզիա ստանալու համար պահանջվող փաստաթղթերի ցանկը՝ ըստ լիցենզիայի տեսակների և այլն. 3) սահմանել ժամկետ՝ լիցենզավորող մարմնի ղեկավարի կողմից որոշման ընդունումից հետո լիցենզիան պատրաստելու և հայտատուին դրա մասին տեղեկացնելու, ինչպես նաև մերժման մասին տեղեկացնելու համար. 4) սահմանել լիցենզիաների մասին տեղեկատվությունը ՀՀ գյուղատնտեսության նախարարության համապատասխան տեսչություններին ներկայացնելու մասին դրույթ: | <p>ՀՀ գյուղատնտեսության նախարարություն</p> | <p>2011 թվականի ապրիլի 3-րդ տասնօրյակ</p> |
|---|--|--|---|

3) որոշման հավելվածի 14-րդ կետի 3-րդ ենթակետը շարադրել հետևյալ բովանդակությամբ 14.1-ին կետով.

| Միջոցառման անվանումը | Ակնկալվող արդյունքը | Կատարման պատասխանատուները | Կատարման ժամկետը |
|--|---|--|---|
| <p>14.1. «ՀՀ կառավարության 2005 թ. օգոստոսի 25-ի «ՀՀ անասնաբուժության բնագավառում օգտագործվող անասնաբուժական դեղամիջոցների կենսապատրաստուկների արտադրության լիցենզավորման կարգը և լիցենզիայի ձևերը հաստատելու մասին» N 1346-Ն որոշման մեջ փոփոխություններ և լրացումներ կատարելու մասին» ՀՀ կառավարության որոշման նախագիծը ՀՀ կառավարություն ներկայացնելը</p> | <p>Լիցենզավորման կարգում՝</p> <ol style="list-style-type: none"> 1) սահմանել նոր բաժին «Լիցենզավորման պարտադիր պահանջները և պայմանները» վերնագրով և սահմանել հստակ պահանջներ և պայմաններ. 2) լիցենզիա ստանալու համար ներկայացվող անհրաժեշտ փաստաթղթերի ցանկը համապատասխանեցնել լիցենզավորման պարտադիր պահանջներին ու պայմաններին՝ սահմանելով դրանք հաստատող փաստաթղթերի ներկայացման պահանջ. 3) հստակեցնել (կետերով շարադրել) հայտի մերժման հիմքերը. 4) սահմանել, որ լիցենզիան | <p>ՀՀ գյուղատնտեսության նախարարություն</p> | <p>2011 թվականի ապրիլի 3-րդ տասնօրյակ</p> |

| | | | |
|--|--|--|--|
| | <p>ստորագրվում և կնքվում է լիցենզավորող մարմնի համապատասխան ստորաբաժանման ղեկավարի կողմից:</p> <p>5) ուժը կորցրած ճանաչել «Մասնագիտական որակավորման ստուգման կարգը» բաժինը:</p> <p>6) փոփոխել հայտի օրինակելի ձևը՝ սահմանելով, որ հայտը ներկայացվում է լիցենզավորող մարմին:</p> <p>7) վերացնել այլ հակասություններն ու անհշտությունները (մասնավորապես՝ կետեր 14, 16 և այլն):</p> | | |
|--|--|--|--|

».

4) որոշման հավելվածը լրացնել հետևյալ բովանդակությամբ նոր՝ 28-33-րդ

կետերով.

| Միջոցառման անվանումը | Ակնկալվող արդյունքը | Կատարման պատասխանատուները | Կատարման ժամկետը |
|---|--|--|---|
| <p>28. «Գյուղատնտեսության ոլորտում վարչական վիճակագրական հաշվետվությունների ձևերը և հավաքագրված տվյալների ու տեղեկությունների հիման վրա վիճակագրական ռեգիստրների վարման կարգը հաստատելու մասին» ՀՀ գյուղատնտեսության նախարարի հրամանի մշակում և հաստատում</p> | <p>Մշակել վարչական վիճակագրական հաշվետվությունների ձևերը՝ կողմնորոշվելով «Ուետական վիճակագրության մասին» ՀՀ օրենքով և ՀՀ վիճակագրության պետական խորհրդի 10.05.2002 թ. «Վարչական (տեղեկատվական) ռեգիստրների վարման և դրանցից տեղեկատվության ստացման կարգը հաստատելու մասին» N 109 որոշմամբ: Հրամանում պետք է ներառվեն՝</p> <ul style="list-style-type: none"> • հաշվետվությունների ձևերը՝ ըստ գյուղատնտեսության առանձին բնագավառների հավաքագրման ենթակա համապատասխան ցուցանիշներով և ժամանակահատվածով, • տեղեկությունների հավաքագրման, շտեմարանների ստեղծման և վարման ներքին ընթացակարգ՝ սահմանելով գործընթացի իրականացման հաջորդական քայլերի ժամկետները և պատասխանատուներին: | <p>ՀՀ գյուղատնտեսության նախարարություն</p> | <p>2011 թվականի մայիսի 1-ին տասնօրյակ</p> |
| <p>29. «Հայաստանի Հանրապետության գյուղատնտեսության նախարարության պաշտոնական ինտերնետային կայքի կառուցվածքի և սպասարկման մասին» ՀՀ գյուղատնտեսության նախարարի հրամանի մշակում և հաստատում</p> | <p>Նախարարության պաշտոնական ինտերնետային կայքի կառուցվածքի և սպասարկման հարցերի կանոնակարգման նպատակով հրամանով սահմանել գործընթացի հաջորդական քայլերի իրականացման ժամկետները և պատասխանատուներին:</p> | <p>ՀՀ գյուղատնտեսության նախարարություն</p> | <p>2011 թվականի ապրիլի 2-րդ տասնօրյակ</p> |
| <p>30. «Հայաստանի Հանրապետության կառավարության 2002 թվականի սեպտեմբերի 5-ի N 1516-Ն որոշման մեջ լրացում և փոփոխություններ</p> | <p>Որոշման նախագծով ՀՀ կառավարության 05.09.2002թ. N 1516-Ն որոշման 8-րդ կետում նախատեսել հետևյալ լրացումը և փոփոխությունները՝</p> <p>1. միավորել «ե», «զ», «է» և «թ» կետերը և</p> | <p>ՀՀ գյուղատնտեսության նախարարություն</p> | <p>2011 թվականի ապրիլի 2-րդ տասնօրյակ</p> |

| | | | |
|---|---|--|---|
| <p>կատարելու մասին» ՀՀ կառավարության որոշման նախագիծը ՀՀ կառավարություն ներկայացնելը</p> | <p>վերախմբագրել.</p> <p>2. «Ժդ» կետը շարադրել հետևյալ խմբագրությամբ՝ «Հայաստանի Հանրապետության օրենսդրությանը համապատասխան՝ Հայաստանի Հանրապետության գյուղատնտեսական հողերի օգտագործման արդյունավետության բարձրացման ու մելիորացիայի (բարելավման) պետական ծրագրերի մշակում և իրականացման մոնիթորինգ»,</p> <p>3. «Ժզ» կետից հետո ավելացնել նոր՝ «Ժզ¹» կետ՝ հետևյալ խմբագրությամբ. «ՀՀ ջրային օրենսգրքով նախատեսված գետերի ջրերի վնասակար ներգործության կանխման և վերացման միջոցառումների մշակում և կազմակերպում, իրականացման մոնիթորինգ»:</p> | | |
| <p>31. «ՀՀ ջրային օրենսգրքով նախատեսված գետերի ջրերի վնասակար ներգործության կանխման և վերացման միջոցառումների կազմակերպման ընթացակարգը հաստատելու մասին» ՀՀ գյուղատնտեսության նախարարի հրամանի մշակում և հաստատում</p> | <p>Ընթացակարգով սահմանել գետերի ջրերի վնասակար ներգործության կանխման և վերացման միջոցառումների կազմակերպման գործընթացի հաջորդական քայլերի պատասխանատուների և ժամկետները, մոնիթորինգի ցուցանիշները:</p> | <p>ՀՀ գյուղատնտեսության նախարարություն</p> | <p>2011 թվականի մայիսի 2-րդ տասնօրյակ</p> |
| <p>32. «Հայաստանի Հանրապետության կառավարության 2006 թվականի մայիսի 4-ի N 583-Ն որոշման մեջ փոփոխություններ կատարելու մասին» ՀՀ կառավարության որոշման նախագիծը ՀՀ կառավարություն ներկայացնելը</p> <p>1) «Պետական անտառները համայնքային կազմակերպություններին առանց մրցույթի հավատարմագրային կառավարման հայտի և հավատարմագրային կառավարման պայմանագրի օրինակելի ձևերը հաստատելու մասին» ՀՀ գյուղատնտեսության նախարարի հրամանի մշակում և հաստատում</p> | <p>ՀՀ կառավարության 2006թ. մայիսի 4-ի «Պետական անտառները համայնքային կազմակերպություններին առանց մրցույթի հավատարմագրային կառավարման հանձնելու կարգը հաստատելու մասին» N 583-Ն որոշման մեջ փոփոխություններով պետք է՝</p> <ul style="list-style-type: none"> • 3-րդ բաժնում ներառվեն անտառների հավատարմագրային կառավարման հանձնելու պահանջները, քանի որ բաժնում ներկայացված են միայն հանձնման պայմանները, • 4-րդ բաժնում բացի հայտի ընդունման և մերժման պայմաններից ներկայացվեն նաև հավատարմագրային կառավարման հանձնումը մերժելու հիմքերը: <p>ՀՀ կառավարության 2006թ. մայիսի 4-ի N 583-Ն որոշման հանձնարարականի կատարման ապահովում</p> | <p>ՀՀ գյուղատնտեսության նախարարություն</p> | <p>2011 թվականի մայիսի 2-րդ տասնօրյակ</p> |

| | | | |
|---|---|--|---|
| <p>33. «Հայաստանի Հանրապետության կառավարության 2007 թվականի մայիսի 24-ի N 806-Ն որոշման մեջ փոփոխություններ կատարելու մասին» ՀՀ կառավարության որոշման նախագիծը ՀՀ կառավարությունն աներկայացնելը</p> <p>1) «Պետական անտառների և անտառային հողերի օգտագործման տալու ընթացակարգը հաստատելու մասին» ՀՀ գյուղատնտեսության նախարարի հրամանի մշակում և հաստատում</p> | <p>ՀՀ կառավարության 2007թ. մայիսի 24-ի «Պետական անտառները և անտառային հողերն օգտագործման տալու կարգը սահմանելու մասին» N 806-Ն որոշմամբ պետք է սահմանվեն`</p> <ul style="list-style-type: none"> • անտառօգտագործման տարբեր տեսակների համար պահանջները, • անտառօգտագործման համար հայտի հետ ներկայացվող ծրագրերի նկատմամբ հիմնական պահանջները, • անտառօգտագործման տարբեր տեսակների իրավունքի տրամադրման համար լիազոր մարմնի կողմից կազմակերպվող մրցույթների հիմնական պայմանները, • անտառօգտագործման հայտերի մերժման հիմքերը: <p>Ընթացակարգով պետք է սահմանվեն գործընթացի հաջորդական քայլերը, ժամկետները և պատասխանատուները` հստակ սահմանելով նախարարության աշխատակազմի և «Հայանտառ» ՊՈԱԿ-ի պատասխանատվության շրջանակները, հստակեցվեն անհատույց և վճարի դիմաց անտառային հողերի օգտագործման տրամադրման և մերժման հիմքերը, կազմակերպվող մրցույթների պայմանները, անտառօգտագործման յուրաքանչյուր տեսակի համար պահանջները: Հաստատել պետական անտառների և անտառային հողերի օգտագործման հայտի օրինակելի ձևը:</p> | <p>ՀՀ գյուղատնտեսության նախարարություն</p> | <p>2011 թվականի մայիսի 3-րդ տասնօրյակ</p> |
|---|---|--|---|

»:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Տ. ՍԱՐԳՍՅԱՆ

2011 թ. մարտի
Երևան